



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. V. De Peccato habituali, Originali, Immunitate Deiparæ ab illo, &
Parvulorum à poena ignis æterna.

urn:nbn:de:hbz:466:1-38477

De hac ignorantia fusius infra Tomo 2. Tracta. Principi. i. &c.

Objiciunt aliqui loca quædam ex S. August. Hieron. & D. Thoma, quæ videntur indicare ignorantiam invincibilem non excusare ab omni peccato.

Sed Resp. intelligenda esse loca illa de ignorantia *vincibili* quæ non excusat, vel de ea quæ culpabilis est in sua causa, vel quod non excusat à peccato materiali, aliquo etiam loquuntur de sola *præsumptione fori externi*, non verò quod illa ignoratio ad peccatum imputetur à Deo, qui omnia habet perspecta: quæ omnia maximè comprobantur ex eo, quod loca illa indifferenter loquuntur de ignorantia etiam facti, & legis positivæ, quam tamen a peccato excusare omnes omnino admittunt.

Quares porrò, 1. An rectè dicatur in omni peccato ignorantiam intervenire, cum Scriptura sepe peccata ignorantias appellat?

Resp. non intervenire ignorantiam propriè sumptam, sed tantum impropiè pro *inconsideratione*, quod scilicet totalis peccati malitia non penetratur, & omnia damnata peccatum comitantia, & consequentia.

Quares 2. Quomodo peccatum in Spiritum Sanctum dicatur non remitti in hoc aut futuro seculo, ut Matthæi cap. 12.

Resp. Id tantum dici ex eo quod illud *difficillime* remittatur, & quod ex illius peccati natura & enormitate non habeat excusationem infirmitatis humanæ, cum committatur, ex sola malitia: quamvis sit *absolutè* remissibile per retractionem, & pœnitentiam consequentem.

CAPUT V.

De Peccato Habituali, Originali, & Immunitate

*D. V. ab illo, & Parvorum à pæna
ignis.*

Pecatum habituale est quod actu transfacto permanenter constituit peccatorem, de hoc *Ioan. 8.* dicitur, *in peccato vestro morierinti. Habituale non consistit in peccato præcisè ut præterito & non retractato, neque in reatu pæna faltim formalis, neque in privatione gratie: Quia possit istis manentibus tolli peccatum habituale per hoc quod Deus remitteret jus quod habetratio peccati ad aversionem à peccatore.*

Consistit igitur peccatum habituale *præcisè* in peccato ut non condonato, atque ita moraliter perseverante, in ordine ad tribuendum Deo jus ad illius aversionem: & sic juxta S. August. consistit in peccato præterito in oculis Dei adhuc remanente.

Macula peccati positiva, est ipsum peccatum habituale, privativa est gratia privata, quæ tamen ad illud non concurrevit ut ejus pars, sed ut removens prohibens, ex hypothesi, quod illius condonatio non fiat sine gratia sanctificanti infusione.

Peccatum originale, quæ tale est, quod ipsa origine ex Adamo contrahitur, omnesque ejus posteros constituit verè peccatores. Est omnium Catholicorum, contra Pelagium, & juxta S. August. fundamentalis fidei veritas à Scripturis claram tradita. Originale juxta Script. PP. & Tridentinum est verè peccatum, & propriè constitutus hominem Deo odibilem, quamvis non uel actuale Adami, quia sic non est à posteriorum voluntate propriæ.

Omnis (excepta V. Deipara) peccaverunt in Adamo, juxta

*Iudeo
kin*

*Theo-
logia
D. IV*

juxta illud ad Romanos 5. *in quo omnes peccaverunt.* Quia omnes via ordinaria ab ipso descendentes continentur in eo, non solum ut in capite physico, sed etiam ut in capite morali, virtute decreti quo Deus in voluntate Adami constituit voluntates omnium ejus posterorum, in ordine ad actum a quo voluit dependere transmutationem justitiae, aut injustitiae originalis. Hoc decretum *pactum* appellat S. Augustinus scilicet virtuale, ad quod requisitus non est consensus Adami, cum ad ejus effectum sufficiat voluntas Dei supremi omnium Domini: fuit tamen declaratum Adamo Gen. 2. *in quacumque die comedeleris &c.* *Transfunditur* autem in posteros per hoc quod via ordinaria, & gratia substituti ex Adamo descendant, ut patet ex Trid. Seff. 6. Can. 3. additur, via ordinaria &c. propter Christum, & Deiparam.

Originale non consistit in substantiali corruptione imaginis Dei, ut erravit Illiricus: Neque in concupiscentia, cum haec remaneat in renatis in quibus ex Apostolo, & Trid. nihil remanet damnationis.

Non etiam consistit in *qualitate* quadam morbida, aut entitate morali, aliisque exigitatis a Gabriele & aliis. Nec in reatu poena, qui est effectus peccati, non peccatum. Nec ut voluit Pighius, in peccato Adami ut extrinsecè ejus posteris imputato, sic ut non insit unicuique proprium, cuius contrarium expresse declarat Trident. supra.

Nec denique consistit in *privatione gracie* propter peccatum ab Adamo commissum. 1. Quia ista privatio est effectus peccati: 2. Quia posset tolli originale, remanente ista privatione gratiae. Ergo in ea non consistit nequidem partialiter, sed in solo peccato ab omnibus commisso in Adamo ut moraliter perseverante per non condonationem illius a Deo factam. Ad illud tamen aliquo modo concurrevit ista privatio, per modum conditionis sine qua non perseveraret, quantum est ex vi praesentis providentiae, in qua Deus decrevit mortale sine infusione gratiae non remittere.

Dices, S. Anselmus asserit peccatum originale esse ipsam *justitiae nuditatem* quod videtur solam privationem indicare.

Resp. Solum velle privationem gratiae, modo jam explicato, concurrere ad peccatum originale, eamque solam esse parvulus intrinsecam & quasi physicè inexisteret, cum per se nihil aliud physicum, sed tantum morale in parvulis constitutum, cuius subjectum immediatum sensetur ipsa voluntas.

Sotius Adami peccatum transit ad posteros, & quidem illud dumtaxat, quo violavit preceptum de non edendo pomo, non autem transit peccatum Eva: Quia solus Adamus constitutus est caput morale posteriorum, & solum in ordine ad observationem istius precepti primit de fructu vixito. Hinc etiam posteri solum contrahunt peccatum Adæ, secundum malitiam *inobedientie*, & *gulae*. Quia sub hac solum ratione Adam illud commisit, ut erat posteriorum caput morale constitutus.

Si Adam fuissent filii *ante ejus peccatum suscepisti*, non contraxissent peccatum Originale; quod certius est, si ante istud peccatum habuissent usum rationis. Quia tunc fuissent sui juris: Contraxissent tamen horum filii, Quia *pro tunc* fuissent contenti in Adamo peccante ut in capite morali, per suam scilicet generationem ab illo jam mediata profectam.

Beata Virgo MARIA fuit concepta sine macula Originali. Haec sententia Pontificum iudicio Pia est: iuxta varios ex communissimo Ecclesiæ sensu quasi proceru habetur. 1. Quia Ecclesia hanc solum permitit publicè sustineri. 2. Juxta illam præcipit festum Conceptionis Immaculatae celebrari. Quod contat et *Sixto IV.* & irrefragabiliter ex *Alexandro VII.* decrante Festum hoc celebrari juxta pian Sententiam, id est, de Sanctificatione animæ B. V. primo in instanti creationis & infusionis in corpus: & sub gravissima penitentia vetante omnem in contrarium interpretationem, quâ negetur Pontifices favere præsentie, vel ut illa quovis exigitibili modo in disputatione revocetur, ac prohibent omnes Libros in quibus præsentia, & cultus secundum illam exhibitus in dubio revocatur.

Hinc maximè piaæ sententia favent Scriptura, Gen. 1. ipsa conteret caput tuum, & expresius PP. Petrus Damianus, Laur. Justinianus, Ildephonsum, & Item, licet minus expresse, S. Hier. Chrysostomus, & in variis locis Augustinus, qui de *Natura & Grana C. 36.* ait, dum agitur de peccatis, B. V. Mariam esse excipiendam.

Alibi S. Augustinus solum vult, ejus carnem esse carnum peccati, scilicet parentum per concupiscentiam, & ipsius B. Virginis quoad debitum peccatum illud incurriendi, de quo S. Augustinus ipse Cajetanus intelligit.

Videtur probabilius B. Virginem in Adamo contraxisse *Debitum peccati Originalis*, etiam proximum, situm in eo quod ejus voluntas fuerit contenta in voluntate Adami peccantis, quamvis ipsa prelevata fuerit. Hoc indicant universales Scripturae, & Patrum locutiones: Nec est ratio ab iis excipiendi B. V. quæ hoc Supposito melius intelligitur indiguisse, & visa fuisse Christi Redemptio preservativa. Scriptura & PP. solum Christum ab Originali excipientes, loquantur de dicto Debito, non de Macula actuali peccati originalis.

B. Virgo non fuit obnoxia *Morti*, ut pœna peccati se contracti, sed ut defectu communis expugnatur, contrariorum secundum ordinem naturæ, & ex congrua cum morte Christi conformitate.

PARVULI sine Baptismo mortui patiuntur pœnam *Danni*. Est de fide ex Joan. 3. *Nisi quis renatus fuerit &c.* Non tamen patiuntur pœnam *Senſu*, hoc ignis. Ita PP. & DD. communius, quibus variis locis consentire viderit S. Augustinus cum ait, in damnatione levissima futuros, non esse tanta pœna plectendos, ut eis non nasci expediret: qua vera non essent cum pœna ignis aeterni.

Objicies 1. Scripturas oppositum declarantes, delocandis ad solam dexteram & sinistram &c.

Resp. Scripturas quæ contrarium in speciem sonant, loqui de solis judicandis ex operibus, adeoque de solis Adultis, non de Parvulis aliquid in oppositorum provinciare.

Objicies 2. S. Augustinum ut contrarium sentientem, ut aliqui volunt.

Repl. S. Augustinum, dum subinde videretur favere contraria sententia, solum velle, contra Pelagianos, non futuros parvulos in loco voluptatis medio inter Paradisum & infernum, sed futuros in inferiori quodam catere, non tamen ipsis supplicium passuros.

Dolor sensibilis parvulorum in hac vita non est propriæ pœna in ultionem peccati, sed pœnalitas resultans

ex subtractione donorum status innocentiae, quae sunt
deperdita per peccatum originale.

Parvuli exiguum si quam patientur *tristitiam ex
privazione beatitudinis*: Quia eam non magis appre-
hendunt quam viatores in hac virâ exiguum certe beatu-
tudinis originalis amissâ notitiam habentes. Ita *Bellar-
mum*, cum pluribus qui tristitiam inde nullam habi-
tuos afflentur.

Queres, Quenam sint porrò *Penalitates tempora-
les ex peccato Originali* provenientes.

Rcp. quod sint varie, ac primò, mors corporalis,
quiam penam istius peccati excidit homo privilegio
immortalitatis à Deo definitio. Deinde, vita hujus
labores, & dolores, ac animalium brutorum rebello,
qua alias Adamo & posteris despoticè subiecta fuisse-
nt, privatio quietis, pacis, & pecularis doni quo im-
moderatas appetitus passiones facilè refrænarent. De-
mique, carentia Providentiae divina singularis adversus
Demonum insidias, quibus in hoc statu naturæ lapsæ
homines multum sunt expostiti.

C A P U T VI.

*De Legibus, & earum Natura, Divisione, Effectibus,
Principiis, Materia, Subjecto, & modo desinendi.*

*D*e Legibus, earumque Principiis prædictis tractatur
infra accuratè in hujus Operis Tom. II. Tract. I. post
intit. & in cursu: *Ac de Præceptis. Tractatu s. ab
initio. Quæ possunt etiam speculativæ desiderari, hic
publicantur.*

*L*EX definitur, rationis ordinatio ad bonum com-
mune: Lex aeterna est ordinatio Dei ab eterno in ejus
mente: temporalis fertur in tempore ab habente po-
tentiam. *Naturalis* est natura rationali insita: pos-
titus ab extrinseco positi: affirmativa actum imperat:
negativa actum ponendum prohibet.

*L*egis ratio obligatoria requiritur legislatore volitione
nobis obligandi subditos, & actum intellectus illam pra-
dictæ intimantem per verba imperativa. Utrumque
actum pro lege accipiunt Scriptura, dum leges modò
voluntates divinas, modo illarum indicia appellant.

*P*romulgatio per exteriorem intimationem imperativa
est, est essentialis legi, ut est proximè obligativa.
Quia sine illa promulgatione non innotescit legitime,
notitia autem ad legis aut præcepti obligationem in
conscientia requiritur.

Unde lex aeterna ut sic, non est propriè lex, sed
solum ut connotat promulgationem in tempore facien-
dam; sub hac tamen ratione transit in temporalem,
naturalem, vel positivam ex supposita ejus debita no-
titia.

Ad rationem Legis insuper requiritur, ut sit honesta,
justa, possibilis, secundum naturam, secundum patria
confutudinem, bono communi conveniens, & mani-
facta, non perpetua; cum mutatis circumstantiis, pos-
sit revocari, atque ita definere prout est obligatoria,
quamvis possit retinere vim directivam, sed in hac ra-
tione legis non consitit.

Lex naturalis, quæ absque signo externo est ipsi naturæ
impressa, consistit in rationis dictaminibus de agen-
dis, aut fugiendis tanquam naturæ rationali conformi-
bus, aut disformibus. Quæ quidem dictamina sunt phy-
sicæ ab intellectu creata, moraliter tamen ab Auctore
nature: suntq; ejus imperia formaliter dirigentia, obli-
gantia, ac moraliter permanentia, à Deo inscripta cor-
dibus nostris, iuxta Apostolum.

R.P. Arfdekk. Tom. II.

Antecedenter ad hæc Dictamina non datur bonitas
aut malitia formalis, sed solum fundamentalis per ordinem
ad naturam rationalem, non ut legem, sed ut terminum
convenientiae, vel inconvenientiae actus, quem lex imperat
aut prohibet: sic Deus est sibi mensura honestatis
suarum actionum, non lex, cum Deus sibi legem nul-
lam habeat, sed sit ipse omnis rectæ legis principium,
ac originalis rectitudo.

*D*iffensatio divina non cedit propriè in Legem natu-
ræ, faciendo ut illa absque variatione in ejus materia
non obliget. Quia non potest Deus facere ut quod est
intrinsecè malum, nullâ factâ mutatione, definit esse
malum.

*I*mpropriè tamen potest dispensare in quibusdam ejus
præceptis, faciendo mutationem in eorum materia, sic
ut definit esse eorum objectum, v. g. dando alicui Do-
minum bonorum alienorum, potest statem in vitam in-
nocentis, ut Iraelitis, Abrahamo, & aliis in quibusdam
concessit.

Non potest tamen sic dispensare in omnibus legis natu-
ræ præceptis: Cum nullâ ratione odium Dei possit
reddi licetum similiter nec mendacium, quod talis est
malitia & naturæ ut ex nullis circumstantiis possit ho-
nestari.

*P*rincipes Ecclesiastici possunt ferre Leges ligantes et
iam in Conscientia. Est de fide ex Script. &c. Contra ha-
reticos, Wicelsum, Lutherum, Calvinum &c. damna-
tos in Conc. Constant. & Trident. Sess. 7. Can. 8. Scriptu-
rae in oppositum ab hereticis objecta, solum improbat
mandata hominum injusta. Eodem sensu queritur Aug-
ust, de multitudine præceptorum Ecclesiasticorum,
Epiſtol. 119. cap. 19.

*P*rincipes luci eamde habent potestatem legislativâ
Est etiam de fide ex Patribus, & Scripturis, Prov. 8. per me
Reges regnant &c. Apostolus quidem ad Cor. 3. docet
Ecclesiam Christi esse liberâ, scil. à servitu peccati &c.
non à lege humana, quæ ex Script. ad Rom. cap. 13. potest
obligare etiam sub reatu mortalis peccati.

*R*atio est quod lex illa à lege aeternâ derivatam habeat
obligandi potestatem, proportionatè ad suam materiam:
unde eam violans, mediatè violat legem naturalem:
cujus Deus uti est auctor, ita & vindex.

*D*icit, Illam potestatem non habent à Deo Hæretici,
& Infideles, cum sint peculiariter Dei inimici.

Rcp. Potest Deum etiam per inimicos suos amicis ju-
sta præcipere, quod etiam ab eo fieri patet ex Matth. 23.
Super Cathedrā Moysi federunt Scribe & Pharisai &c.

*P*romulgatio est legi essentialis & necessaria ut causet
obligatione, scil. per publicam legis intimationem. De-
ficiente hujusmodi promulgatione lex non obligat, sal-
tem sub ea ratione, sub qua non est sufficienter promul-
gata ut ad notitiam publicam pervenire possit.

Unde etiam deducit, legem non obligare ad illa, de
quibus probabiliter controvertitur inter DD. utrum sint
præcepta, aut in lege continantur. Quia respectu istorum
non est sufficienter promulgata, nec manifesta: quod
probè notandum pro solutione plurimorum dubiorum
in variis materiis, & casibus particularibus de le-
gi aut præceptorum obligatione.

*L*eges Cesarea debent promulgari in Provinciis, ut in
iis obligent, jure ita disponente: non tamen Pontificia,
nisi hoc in illis differtè requiratur. Constat hoc ex Natu-
ra Legis, & Bullâ Pii IV. id declarante. Probabilius est
Pontificia statim obligare in loco ubi sunt promulga-
tae, nisi declaretur contrarium.

D

Accepta-

Isde
kin

theo-
logia